



翼乘卷之十

獻徵部二

者舊志上

論曰博物記云沃土之民不才漢興必有名  
大矣冠三世者此大不然衛范狐裴往賢桑  
翼於文獻則彬彬矣昭代作人濟濟多士  
間世為忠貞家好醇謹言為世範行為世儀者  
固自不乏昔趙文子與叔譽遊於九原曰往者  
可作吾誰與歸我則隨武子乎利其君不忘其



身謀其身不遺其友典刑如在百世可師也  
春秋師服事晉穆侯為大夫初穆侯之夫人姜  
氏以條之役生太子命之曰仇其弟以千畝之  
戰生命曰成師師服曰異哉君之名子也夫名  
以制義義以出禮禮以體政政以正民是以政  
成而民聽易則生亂嘉耦曰妃怨耦曰仇古之  
命也今君命太子曰仇弟曰成師始兆亂矣况  
其替乎昭侯之元年成師為曲沃伯是曰桓  
叔使樂賓傳之師服曰吾聞國家之立也

而末小是以能固故天子建國諸侯立家卿置  
側室大夫有貳宗士有隸子弟庶人工商各有  
分親皆有等衰是以民皆服事其上而下無覲  
覲今晉甸侯也而建國本既弱矣其能久乎七  
年潘父弑昭侯納桓叔不克其後晉竟為曲沃  
所滅如師服之言

士為字子與陶唐氏裔也歷虞夏商周成王遷  
之於杜為伯宣王殺杜伯其子隰叔奔晉為士  
師故為士氏獻公之六年公患桓莊之族偏以

問士為士為曰去富子則群公子可謀也公曰爾試其事士為與群公子謀富子而去之七年又與群公子謀殺游氏之二子士為告晉侯曰可矣不過二年君必無患八年士為使群公子盡殺游氏之族乃城聚而處之冬晉侯圍聚盡殺群公子九年士為為大司空夏士為城絳以深其宮是年虢人再侵晉晉侯將伐之士為曰不可虢公驕若驟得勝於我必棄其民無衆而後伐之欲禦我誰與夫禮樂慈愛戰所畜也夫

民讓事樂和愛親哀喪而後可用

穀弗畜也

亟戰將飢虢竟不能撫其民而晉滅之初獻公嬖驪姬欲廢太子申生而立其子奚齊乃作二軍公將上軍使太子將下軍趙夙御戎畢萬為右以滅霍滅魏還為太子城曲沃士為曰太子不得立矣分之都城而位以卿先為之極又焉得立不如逃之無使罪至為吳太伯不亦可乎猶有令名與其及也且諺曰心苟無瑕何恤乎無家天若祚太子其無晉乎太子不用其言卒

以諛自殺獻公使士為為二公子築蒲與屈不  
慎實薪焉夷吾訴之公使讓之士為稽首而對  
曰臣聞之無喪而戚憂必讎焉無戎而城讎必  
保焉寇讎之保又何慎焉守官廢命不敬固讎  
之保不忠失忠與敬何以事君詩云懷德維寧  
宗子維城君其脩德而固宗子何城如之三年  
將尋師焉用慎退而賦曰狐裘尅茸一國三公  
吾誰適從士為卒子穀嗣為司空文公二年與  
諸侯會於垂隴襄公將使士起築耳將中

蜚冀鄭父先都將上軍先克曰狐裘之弊不可  
廢也從之故冀鄭父先都士穀梁益耳作亂晉  
人皆殺之按士為廣冀城故入冀之獻徵部  
樂成樂枝國語云武公伐翼象侯止樂共子曰  
苟無死吾以子見天子令子為上卿制晉國之  
政辭曰成聞之民生於三事之如一父生之師  
教之君食之非父不生非食不長非教不知生  
之族也故壹事之唯其所死焉報生以  
死報賜以力人之道也臣敢以私利廢人之道

君何以訓矣且君知成之從也未知其待於曲沃也從君而貳君焉用之遂闕而死子來枝事文公為大夫將下軍趙衰讓之為卿祀鄉賢後魏張天生任河南縣令除寇害濟民困百姓多賴全活祀鄉賢

唐尹知章字文叔幼學時未甚通解夢人持巨鑿破其胸忽警悟志思豁然遂編明六經為世通儒長安中擢定王府文學遷太常博士中宗時或建言以涼武昭王為七廟始祀知章

昭遠世非王業所因乃止出為陸渾令輒棄去時散騎常侍解琬亦罷歸相與覃思經術訢訢然張說表薦擢禮部員外郎轉國子監博士馬懷素緒定秘書奏知章正文字每休沐講授不輟性和厚人不見有喜怒於易老莊書尤縣解弟子貧者調恤之未嘗問生產業其子欲廣市樵米為歲中計知章曰如而計貧人何以取資且吾尚應奪民利耶註傳多行於世門人孫季良奏頌其德刻著東都國子監門外祀鄉賢

宋張會元仁宗朝鄉舉累舉進士不第退而講授於學一時人才彬彬有造募工修文廟先聖賢像文滌公記稱之載學官志祀鄉賢

金楊時發之次子大定四年以本縣人為本縣尹勤樸字戒貪殘教民力本民化醇朴幾致刑措咸歌頌焉

元楊宜時玄孫以本縣人任本縣尹為政廉明善謀斷事具墓表中元沁州學正段天章撰也

張略云名諱宜緝之翼城石鄭庄人曾大父

時大定間為翼城令時生材材生人與榮俱

絳州錢穀使榮生石及福達君形貌魁碩有識慮值貞祐之變金主南渡河北群縣盡廢兵凶相仍寇賊充斥石督從弟琛仁海義姪紹先茂先乃奮然興起帥鄉黨族屬約束自守及太師以王爵領諸將兵來石地遂以衆歸之技於行間超陞行太師府鎮翼表授忠勇校尉佩銀符守平陽四明山主管義軍福知龍平縣事造佩金符金臺府巨官時青龍鰲背葛伯彈平諸砦

未降互出攻擊肆為剽劫君暨琛等悉平之民  
賴以安及塔海都元帥西征庸蜀辟琛為先鋒  
君與焉凡所攻拔不避矢石屢有成效凱還君  
以勞遂授今職君之為治也不事表襮而民愛  
之不任刑罰而民畏之作事必為遠計使人守  
其成法縣之東山炭窟年歲既久穿斲益深屢  
有圯壓之患君一視其地創為開置民甚便之  
邑之南川水利一田甚廣數村爭訟不已君為  
斷理皆服其平今以為定例民祠祀焉所

滋凡三十餘年無少玷  
庚辰墜於百草嶺上馬跑泉側男三孟汝直襲  
君職仲汝舟授本縣丞俱有能名季汝霖隱德  
不仕延祐三年春志  
楊琛初名俊直從弟與宜蕩平諸賊若以功行  
翼州元帥事金人執虎符白麻招之俊戮使若  
以聞特降金符為征行元帥取河中興元與塔  
海下蜀淮全活數萬口從車駕攻河南破蔡州  
宣授千夫長佩金符賜名琛



揚思忠佳子也以本縣人為本縣軍民長官愛  
民如子民非有大過不加箠楚徭役賦稅皆有  
成例不為民害至元二年遷聞喜父老攀棘泣  
送者千餘人  
揚權思孝子以本縣人為本縣錢穀使不私羨  
餘僚友服其廉人皆德之

郭狗狗唐城坊人一統志云父寧為欽察先鋒  
使首領官戍大良坪宋將史太尉來攻夜陷大  
良坪寧全家被俘史將殺寧狗狗  
五歲告史

曰勿殺我父當殺我史驚問寧曰是兒幾歲寧  
曰五歲史曰五歲思能為是言吾當全汝家即  
以騎送寧等往合州道遇金國兵騎驚散寧家  
俱得還御史以事聞上命旌之祀鄉賢

屈繼平以程朱之學為當時學者倡門人號曰  
北城先生事具墓中太常博士侯均撰也碑  
云先生姓屈諱繼平字正卿晉之翼城人祖以  
二名失於兵考名直字子正晦德弗輝妣關氏  
先生遭天弗吊七歲而孤性敏強記鄉儒柴奉

先大奇之曰子可塔矣遂以女許之供其朝夕俾就學焉習舉子業於鄉先生崔良佐詩文大出時輩至元十三年以鄉試中式遂得儒宮版籍生平手不釋卷於獎誘後進極為鄉閭所推重晚得程朱義理之學即濯去科舉餘習每以所得誘進學者喻以為入之道故翼之儒者知有程朱之學自先生始大德元年二月十七日以壽卒至八十是日葬於邑古澗之西先塋之北祀鄉賢

張遵信字誠之陵下人幼習舉業大德中與兄友爱甚至晚從臨川先生吳澂學聖賢之學得體認之實至大間任本縣學諭擢晉府經歷常扁堂曰時思臨川為之記

楊守則侍郎祀鄉賢周義記云其先諱宗唐大司空諱璘諱明宋宣和間以大司空顯諱發敕封隆州大將軍諱周大元帥諱載守玄洞岩賜劍佩虎符諱時本縣尹棟則萬戶佩虎符桓則華陰尹楷則萬戶佩虎符松則千戶佩虎符材

則本縣尹曰山大元帥賜劔鏑佩虎符曰連萬  
戶曰珏校尉曰珪大元帥佩金符曰原忠勇校  
尉曰仁元朝陝西征行大元帥曰孝忠鎮撫曰  
琛征西元帥曰佺翼州太守曰迎征西校尉曰  
海曰江俱千戶佩金符曰義都統佩金符諱宜  
本縣尹諱遠金臺府長官諱奉先元帥諱紹先  
節度副使諱茂先靈石縣尹宣授征行大元帥  
諱一思斌俱元帥思明思忠俱縣尹思孝本縣  
尹諱泰成都路千戶德榮千戶諱

珏行金縣千戶諱文汝直汝舟俱縣尹子顯監  
局官邦傑捕盜官邦榮河東府尹邦彥敦武校  
尉靈石縣尹諱恭奉訓大夫諱溫靈石縣教諭  
諱瑛成都路管軍彈壓諱瑛岳州都鎮撫榮祖教  
授克仁副使遷總管諱聚岳州千戶諱鑄奉議  
大夫諱鈞同知諱鐸宣授武畧將軍四川都鎮  
撫諱晏知事諱亮庶使諱伸靖州路總管諱倪  
武德大將軍守則初授翰林官遷內臺御史陞  
戶部侍郎再遷大都河間路總管

郝溫由太學上舍累官四川行中書省郎中遷夔州路總管

翼乘卷之十

獻徵部二

者舊志下

明朝

高翀譚村里人洪武乙丑登進士授刑部主事  
太祖徵行過其家見妻紡織翌旦早朝賜  
絹以旌之蓋異數也祀鄉賢

劉平下陽里人洪武間以人才舉授江西宜黃  
縣令負擔至任廉介寡合時有政聲及秩滿歸

邑人爭送之平曰昔負檐來今負檐去宜也何  
用送為末樂三年甲申勅賜冠帶以旌之祀鄉賢  
王錫寺庄里人累官右通政為人忠厚廉勤不  
事修飾察采敬愛 朝廷呼為老實王詳載名  
臣錄祀鄉賢

戴麟東鄭里人授山東莘縣令有惠政秩終致  
仕民立祠祀之

王泰什級里人以進士初令儀封至南刑部員  
外郎以祖母老奏乞終養服闋復職值宦瑾用

事索賄公曰以賄獲官非吾志也

郭起福建按察司副使至山東按察使右布政

正德十四年致仕性至孝閱書萬卷手不能釋

莊重沉默服食簡朴居官清正未嘗阿人以干

譽中丞林公見素薦於冢宰楊遂菴云凝重剛

方不末聞達乞養老練溫粹類貫道狹特類公

實而量過之輕得喪區區尚在下風堂內臺以

風望天下可也所撰邑中諸記俱載蓋實有其

文云詳載名臣錄祀鄉賢

周義仁浚州知州清白自守卒十年不能葬嘉  
靖二十六年知縣鄔桂枝具棺柳禮儀自為祭  
文奠之觀者為之流涕云文曰公之喪也若示  
年今猶未窆者非忍也公居官庶謹貧有以致  
之也技履翼已四年今始得聞公者非昧也天  
欲彰公之清德夫有所待也噫公殞雖遲公名  
愈著使翔山之人稱之曰某居官守已貧不能  
謀其身高節清風勵我後人則公之死亦為曠  
矣嗚乎花萼交輝情良馳譽有中公者則可

不於古人求之耶

周禮義之弟正德九年任河間府判清介自持  
簡易御下交誼篤至陞深州守卒于官囊橐蕭  
然衆皆悼之

周道北唐里人以陝西延安府推官丁外艱服  
闋補揚州有犯法當死者權要以書俛之道不  
從舉正其罪後權要排之遂遷陝西鞏昌府判  
監督甘肅倉場抑奪豪貴每歲省官銀三萬餘  
兩人多忌之丁內艱道曰如此尚可以仕乎遂

養高不出道性和易謙謹與物無競然至居官  
守法確乎不可撓也

胡鑄白馬里人仕河南開封府通判廉靜自持  
糧儲悉當天旱禱雨輒應郡人高承宗等作詩  
以歌之陞陝西鄜州知州致仕公忠實不事巧  
偽居鄉里恂恂無競杜門自守而已未嘗私謁  
公府近市囂也

王松字安節件級里人官至滎澤王府教授平  
生安貧嗜學所著有易繫辭解洪範五行解

傳書解通書箋解等篇歸馬先生和其立言亦  
見贈之以詩祀鄉賢

吳夢麟廷贊之子累官至苑馬寺少卿居官苞  
直不染水蘂之操老而愈篤及歸圖書蕭然人  
稱苦節大夫記

趙進西張里人初任陝西峽山縣令均差役懲  
豪民調河南祥符令丁內艱服闕補直隸博野  
縣令以御史為陞山東沂州守在任五年致仕  
性孝友謙放周慎與論雖重焉

劉珣參議忘之父也剛毅正直不為習俗所移時  
翼易無傳公博聞強識夙夜鑽研力久乃得貫通  
遂講授不怠建草舍數十間弟子日增幾至百餘人  
故翼之易學大盛皆公之源流也登科者如李灃  
等五六人然講論之際多依於孝弟以身率人不  
止語言文字之學也累試于鄉不第遂貢為太學生  
授河南洧川訓導洧川士素不閑子史且不諳經書大  
義公親為講解多所發明六年致仕祀洧川名宦以  
子貴封戶部主事公性質樸自奉甚儉至族黨有

不能婚者必給貲以助之友過必所面折  
其人終無怨也操持老而愈篤輿論歸重焉祀  
鄉賢

劉志勇桐坊人以進士任戶部主事至右參  
議奉俞旨歸養母曹氏同寢食二十年如一日  
自奉甚薄有父風至地方利病有可言者即達  
之上官不以自嫌當道禮餽辭弗受邑人追誦  
之御史俞時稱為古君子都御史張松榜其門  
曰孝廉祀鄉賢



王 熙件級里人松之子以歲貢任保定府訓  
導學有家傳不尚紛華二兄蕩盡資產公以已  
業分給之保定勸課多士寒暑不輟祀鄉賢  
劉應聘端直簡易不事浮靡初令臨潼造士均  
徃清糧戢奸邑人于驪山建祠祀之佐懷慶以  
濬築黃河蓮花口特膺欽賞署修武多善政邑  
人為之建祠守臨洮八祀名宦整飭環慶大獲  
捷功居鄉條釐利弊樂善好施翼於今稱焉  
文學遷博聞強記夙負偉畧令威 見令滑

嚴撫善戢暴百度肅然推御史房 直省持  
時事抗直不撓多載名臣奏疏所刻如常孰令  
楊璉保定李張銓後皆為時名臣鄉里倡修東  
山煤徑陵下橋梁義舉甚多居家視弟學光友  
愛敦篤築怡怡堂都人士為詩歌以美之惻翼  
俗古禮久廢編四禮畜一冊著有四書心言麟  
經三易草祀鄉賢

高登明生而穎悟著書授徒闢翼能經之傳居  
官仁政種種尤加意作人科第多出門墻屢舉

卓異監司檄各屬會取法則晉祀名宦載秦省  
通誌里居十七年督撫累疏舉之未出輿論重  
之祀鄉賢

王三錫初任成邑山僻民貧地有利而民不知  
公濬渠墾荒種綿教織建水磴開煤山民建祠  
以祀守滄郡閱一清如雪之謠有油盜感公德  
政還之境上分佐寧夏靖劇魁揚祀紀功司馬  
事母至孝九十三歲如一日行誼端方數飲于  
心之人稱之

張一相治莘四載均平徃後捐俸桂香閣以  
課士如孫肇興輩藉公甄陶為當世名儒至今  
邑人歲時致祀

張第簡靜敦朴為諸生時條陳聘儀以整俗  
奢勸諸貞珉永為民便

符斐尹新安時勤心拊字為民慈母居家孝  
親訓子里頌長者祀鄉賢

陳嘉謨篤學敦行每以忠孝自勵訓遼左殉節  
祀鄉賢

史可觀御史學遷之子以庠士援例任文華殿  
中書加鴻臚少卿孝友勤慎歷官清白能成先  
誡甲申之變有勸其入山暫避者公毅然曰吾  
世受國恩而思苟免無論愧吾心且何顏以對  
吾父乎從容自經遺詩數章可謂忠孝兩全  
呂維寧寬弘有度典銓政清介自持苞苴不染  
掌計黜陟公明朝論咸服居鄉坦懷示人無驕  
矜色

錢國用雅嗜古道廉隅自飭李鳳白

齋奸剔弊舊瑞藩食鹽河東小騷及去晉公請改

食川鹽公私便之居喪盡立不盡禮邑中利弊所

關力爲區畫如蒙馬被誣筆請議詳確閭邑食福

上官薦聰敏嗜學嘗下帷花香館白駒山房事

王父母父母以純孝稱居喪哀毀踰禮視弟侄

教養備至賚予不較蓋天性孝友云邑有大利

獎如固防禦併里甲辦牛站皆力爲籌畫脩學

宮脩陵下橋梁首捐百餘金其他不可枚舉生

平謙冲雅度雖諸子既貴一無矜色賓于鄉士

林師之謚為文孝公祀鄉賢

上官陸端良孝友待諸侄恩義兼至歷官念餘  
年公忠不阿至于抗慨樂施賑救人緩急有妻  
舟之風焉祀鄉賢

崔允升守西安時值賀送亂悉力守禦獲奏膚  
功居官冰蘖矢志秦州民有兄弟爭產以萬金  
囑者公厲色部之從容諭以天倫兄弟悉感泣  
如初事母盡孝謝政家居不異韋素惟以文行  
課子鄉人士示之

異乘卷之十七

獻徵部三

士行志

論曰今之孝者多割膚廬冢事古道弗取也然  
勝於樵蘇不禁藥餌不嘗者矣諸子皆至性自  
心以吾身為終不以父母之身為終者也其他  
捐粟而來膺天子之褒敢言而蘇百姓之苦鳩  
衆而憾敵人之侵此其行誼帶帶大者亦志以  
風世

孝行者五人

劉元真下陽里人鄉賢劉平之子平卒家毀喻禮既葬廬墓三年致群鳥馴擾異草叢生瓜蒂開蓮之應永樂二十二年有司上其事行詔旌其門閭

張恕白馬里人以貢知懷慶府事居母喪哀毀踰禮父暫一節既葬廬墓三年親負土築壙鄭成李順里人以貢任山東按察知事性至孝父喪寢苦枕塊廬墓三年

張瑤泮水北人為諸生家世貧乏孝出天性方母獲疾湯藥親嘗不懈及母逝悲號幾絕而復蘇同父寢於草苫左右供養聖母像於廬舍朝夕拜奠以追其恩里社咸推重之萬曆六年有詔旌其門曰孝行

吉昂石橋里人孝友與人無競父鸞早卒昂甫七歲家甚貧母梁再贅楊姓者生子女二人欲異居他所昂泣留不能止性敏慧通陰陽學凡婚喪營構者多徇卜之其所得粟饌雖夜半必

先奉其母後以所餘遺妻子鄰里多感嘆之  
義行者十人

薛從周李村里人韓登神吳里人胡志剛東唐  
里人三人俱以捕粟上府初命勅曰國家施仁  
養民為首爾能出穀麥一千五十石用助賑濟  
有司以聞朕用嘉之今特遣人齎勅往諭勞以  
羊酒旌為義民仍免本戶雜稅三年尚允蹈忠  
厚表勵鄉俗用副褒嘉之意欵批故勅正統四  
年二月十二日也

揚鳳字九韶員外郎汝江之從祖也孝友慈愛  
遇人渾朴好讀書聚書數千卷通醫術常畜善  
藥以濟人每見貧死不能葬者必助以棺弘治  
庚戌歲饑鳳出銀若干以賑貧乏人多賴焉得  
例授一官邑侯馬張諸公咸高其行禮待甚厚  
陳琮字克璋北關廂人累世積德不尚浮薄正  
德丙子客河東運司客有符姓者被同商盜三  
百金符覓弗得欲不生琮憫之以已貲如數付  
之誓不償盜愧感潛以其銀置他所符得之復

返琮貨琮遜無德色當道聞而禮之諸生王才  
貧不能葬琮給米若干俾葬其事聞喜東鎮路  
通河東阻隘難行琮捐五十金付土人備橋徃  
來稱便其仗義類如此

張謙桓壁村人勤儉起家性好施與凡有亡民  
寔客過其門無衣食者率賙濟之嘉靖四年開  
州王郡公修建高河橋謙出銀五十兩以助費  
王公義而嘉之勞以羊酒

陳瀚字良美晉藩引禮家貲累萬然謙邑未嘗

自矜性好施人有困乏不給者每出貲以助之  
又北兵南侵人情洶洶懼不能衛瀚獨出銀若  
千修築關城用為保障巡撫遂寧陳公聞之檄  
分巡河東道以禮獎勵顏其門曰尚義  
譚繼宗咸軍里人邑中代辦他邑差錢甚為民  
累繼宗等詣關奏請

常遠東王里人嘉靖十一年歲饑遠出粟八百  
石賑濟撫按建坊旌之  
常一清澮史北里人庠學生後以年衰授儒官

性甚樂易居家孝友弟素不檢負人錢不能償  
清以已產易錢還之或謂其愚清曰負人錢財  
而弗償不義坐視弟辱不仁不仁不義何以為  
人謂者愧服邑人劉志撰善士傳

張紹唐城坊人稟性醇篤孝友性生仗義好施  
與物無競鄉里稱為善人嘉靖七年巡按御史

三原楊公聞而嘉之擬縣榜其名於旌

呂可嘉吳樸村人孝友素敦義方善訓儉能範

俗淳可廉頑萬曆間表上明文勒碑旌善事

張臺字五雲邑大儒道德文章后以廉洛主正

社以陶鑄多士沐其教者共七十餘人登甲乙

兩榜者約以二十計人文蔚起冠冕三晉督學

錢公受祺扁其門曰理學正宗社內科目附後

登甲榜者上官鉉癸未上官鑑丙戌周文華丁亥王廷議己巳

張鳳起乙未張涵戊戌上官鑑己亥周京己亥張麟化己亥

高向台丁未

登乙榜者上官鑑己卯王廷議壬午秦鏘珩壬午上官鉉壬午

張焯壬午周文華丙戌上官鉉丙戌符執桓戊子張廣乘辛卯



張鳳起甲午張鱗化甲午周京丁酉張星拱丁酉張涵丁酉  
星拱子

錢如水癸卯高澄丙午高向台丙午

列恩選者王廷諲副榜王廷佐選貢劉弘績副榜科貢

李名顯中衛里人甘貧力學老而彌篤孝友之行族黨共稱焉

附忠烈

史稱忠臣烈士如杜厲叔臧盱眙輩千載而下義氣猶凜馬何其壯也每恠選懦庸弁居恒則談激雲霄臨敵則形同首鼠况于戢守不閑而能馳驅戎馬之間橫戈大敵之衝奮不顧身庇及民社者乎何將軍諸人其弗可及也已  
何斯盛字際韶陝西鎮番衛人邑令斯美胞弟也前歷官遊擊授懷遠將軍順治六年省兄至翼時平陽諸邑俱亂公率親丁並義士柳吉

祥王國宣等時嘗征勦七月沃賊郭中極圍城  
公晝夜捍禦獎勵兵民戰守互用城賴無恙後  
以大寇自東掩至公同吉祥等臨河大戰因乏  
援兵與吉祥等俱戰沒邑人立廟祀之有石記  
義士柳吉祥 王國宣 史莽性 常進忠 蘇溜子 聶黑子 鄭奇  
段大力 裴十樂 郝時禎 張康 孔日進 燕小僧 李浪  
馬化勇 周啟隣 楊國科 常洪均 李沛然 姜倉 李芬  
高管 任成都 范國明 張付諭 侯康子  
以上二十二人俱以身死王事者並志之以傳不朽

翼乘卷之十一

獻徵部四

列女志

論曰婦人女子目不知詩書而孤寡一意屹屹  
如砥柱然洪流撼之不動彼褻衣博帶備爾鬢  
眉男子而富貴淫之負賤移之威武奪之尚不  
比於施朱媿白之輩安在其為丈夫哉

戴氏石鄭庄里楊鵠妻年二十五歲夫喪子網  
幼育于成孫汝盈未及一周網亦故撫恤視網

有加孀居五十餘年無玷縣令上其事旌表  
張氏剪桐坊人生負牛琮妻年十九夫亡子女  
無所出父因其幼欲令他適張乃痛憤悲號誓  
不再醮茹苦含辛勤事紡績孝養舅姑俱以壽  
終孀居四十餘年貞靜之懿有如一日有司上  
其事旌表

吳氏閩村北里曹鏞妻年十七鏞亡子智方生  
八月吳撫育成立誓不再嫁力農勤績用保家  
業至八十一歲日嚴正雖對子姪未嘗見其笑

容鄉人多稱贊之

梁氏石橋里史驥妻年二十驥卒子德完甫二  
歲梁撫育及成誓不再醮孀居五十餘年貞潔  
無玷族里咸敬重之

張氏剪桐坊郭維妻年十九維亡張以母老子  
幼誓不再嫁撫子都成立孀居六十年凜如也  
高氏通判張憲妻憲卒於官時高年二十餘扶  
柩還家撫子有成苦節三十餘年貧無怨言  
鄒氏件級里王栢妻也栢亡遺子燠亦夫或有

勸之再嫁者郝怒曰是何言夫亡吾不欲生可  
再嫁乎紡績為生辛苦萬狀事其姑李氏甚勤  
順待諸姪如已子女年七十餘人共憐慕之  
周氏與賢坊李鶴妻鶴亡上無舅姑下無期功  
之親誓不他適孀居四十年屢為饑寒所困不  
改操焉

聶氏五橋里庠生周謚妻適謚二載謚一聶年  
十九誓節自守三十餘年清操如一

王氏合雲里續璘妻也年二十璘亡撫三子

舅姑謹飭無玷年八十直指蘇顏其門曰貞節  
史氏西張里人庠生趙一遷妻也遷逝史年二十  
二鞠育遺孤誓不再醮姑病疽史朝夕澣垢不  
怠年踰六十直指李楊三公表曰貞節

郭氏同穎坊郝鎰妻年十九鎰卒誓不他適遺  
子緯方二歲撫以成立二十餘年邑侯羅旌之  
杜氏同穎坊庠生閔永安妻安卒守節撫子成  
立邑侯單旌之

陳氏石鄭庄里庠生楊汝滄妻滄故守節不變

直指揚旌之

蘇氏北唐里杜志在妻夫沒年二十一歲誓願不嫁  
撫孤應時成立督學旌之

揚氏高村里庠生符節妻又節亡揚年十九子女  
無所出其舅鄉舉符應時先逝遺祖姑衰老家  
日窘揚躬勤紡織養祖姑不少懈備極辛苦年  
七十七人共仰之

常氏北關廂李乾妻乾亡常氏年十六誓節不  
嫁撫育男柱娶婦楊氏柱亦卒揚氏年二十持

刀欲自刎遂斷一指哀毀絕食姑女相繼亡表  
旌表

獲氏南常里張翰翼妻翼故哀毀不食誓以  
身殉遂自縊直指題請旌表

袁氏同穎坊李若魯之妻魯卒氏年僅十八  
歲無子矢志守節本縣月給布米直指題請建  
坊旌表

高氏同穎坊生員袁守泰妻泰卒相身自誓  
訓子宗顯登萬曆乙卯賢書年踰大耋直指題

請建坊旌表

張氏剪桐坊生員劉璜妻夫亡子名士亦逝同媳常氏勵節苦守艱難備嘗劊孫湛登明崇禎丙子賢書直指余題請建坊旌表

張氏南河下李文智妻夫亡子未週歲誓守貞節躬歷貧窶不火渝人共矜之

陳氏南河下李檀妻夫卒氏年二十二歲事姑孝謹遺子先光方週歲朝夕訓迪由國學歷仕汶上縣主簿成山衛經歷守節

辛備嘗院道歲給粟帛直指李題請建坊旌表

董氏賀水里衛天元妻孝廉三俊祖母也夫

卒氏年二十八歲孀居五十餘年撫七歲幼孤衛主行著鄉党孫登賢書年八十餘里稱完節

呂氏東王村廩生常君用妻用孝孀居三十

餘歲事翁姑以孝聞立族子啟胤為嗣昕夕訓迪啟胤中明萬曆丙午解元直指公以節義文

章萃于一門疏奏建坊旌之後啟胤故妻陳氏年僅十九歲立嗣子拱辰四十餘年與姑同以

完節終一門貞潔如此

趙氏同穎坊袁奪錦妻夫卒年二十一歲與繼姑侯氏茹荼飲檠撫養遺孤袁夢鯤後鯤又逝復與媳李氏育誨幼孫脩寧辛苦三世孀居終始不受人共難之

陳氏剪桐坊劉聲宏妻夫卒氏年二十歲守節撫孤躬勤紡織值寇亂被掠氏遂從容投水以全其節衆稱其烈

侯氏南河下太學生李訥妻子生員日

森繼逝氏與媳袁氏守節孀居夫

華麗撫育幼孫際太督學旌其門曰雙節垂芳

劉氏平陽里舉人薛天培妻培卒氏年僅十

七歲無子屢欲相殉其姑力勸遂茹面織經矢

志弗渝立族子以嗣守節五十餘年人無間言

邑令累扁其門督學旌之

張氏南常里宋應薦妻夫卒氏年僅十七歲

撫育遺孤誓不改節子一桂先逝訓長孫友瀛

順治甲午恩拔國學次孫友瀾並有文名年踰

八十自持嚴正督學累旌其門

李氏南豐里盧春魁妻夫病故三日不食極

前自縊縣扁旌之

李氏邑庠士崔鳳鳴妻副使崔允升之母也

幼孀三十餘年訓子成進士居官吏治一以廉

慈勉之所在多惠政焉

周氏同頴坊生員燕民望妻夫卒氏年克歲

參苦誓守竭力奉姑嘔心訓子壽八十五歲而終誓

字縣尊學師咸病其門曰貞節廉生此也其子也

楊氏西張里任登第妻夫卒

撫育遺腹子三德成立歷艱弗

指題請建坊旌表

范氏唐城坊張崇德妻德卒

艱苦備嘗訓子鳳起登順治乙

擲丈夫

李氏羅承德妻德卒無子孀居五十年紡織

為生貞操弗渝

王氏賀水里生員衛肇祚妻肇祚卒氏孀居



四十年苦節自甘

秦氏賢宣里樊天佑妻守節五十年賣藥為生勁節不變

楊氏平陽聖薛來貢妻貢卒氏年二十二歲守節三十餘年栢舟自誓教子士駿為邑知名士督學孫旌其門曰姜操孟訓

柳氏賢宣里生員上官慎妻守節二十餘年諸艱畢嘗鄉里賢之

孔氏同石里李曰鵬妻守節三十餘年

餘年藜藿不充勵志稱篤恒情之所難者

呂氏興賢坊孝廉賈學路妻年三十七歲夫亡守節撫孤後二載孤亡氏隨自縊立侄曰可以嗣邑侯孫公表其門曰從一而終後邑侯李公聞而旌之曰抗志殉夫

楊氏南廟周化成妻夫故年一十八歲志願投環以殉未遂至今年逾五旬紉織孝姑不輕言咲足堪維風

李氏北關生員陳文焜妻年二十六而寡哀毀

絕粒誓以身殉舅姑引譬大義始勉哺藐孤迄  
今七十餘歲其子經綸列弟子員孫長辰箴入  
黌序仲辰銘登賢書崇禎十五年直指汪公䟽  
請給扁以旌其節

戴氏南廟村高節之妻夫故氏年二十一歲矢  
志貞守後聞學臺南傳呂宗師俱扁其門按臺  
歷給布粟氏紡織教子宗舜八泮年八十餘終  
呂氏東上衛王化仕妻仕故呂年二十一歲矢  
志撫孤誓不它適督李公旌其門曰貞節

風今壽登九旬康健異常母子孫各一堂四世  
也侯鄭公表其閭曰姜仁陶社為之作傳載藝  
文志

高氏唐城里劉之公妻夫亡氏年二十九歲  
遺子七歲躬勤紡織備極苦辛教撫其子劉昇  
八泮歷年八十而終前任知縣趙旌曰和丸苦  
節知縣鄭又為文贈表之

衛氏係唐城里張等妻夫故氏年三十一歲  
家貧如洗遺子甫二歲霜節苦守織紡為生撫

子星拱與孫溍同登科第尤為僅事壽八十一  
歲而終

常 氏平陽里武生員薛貞妻夫故氏年二十  
三歲遺子琬甫二歲苦節自守教子力學今方  
奉嗣黌宮乘時待舉皆母在訓之所致也孀居  
四十餘年內外無間言

續 氏賢宣里李舜宰之妻孝廉文燦之祖母  
也孀居五十餘年撫子育孫俱各成立洵頌道  
之無媿者

氏賢宣里呂江之妻也少失夫天  
天無子呂桂成名入泮後鞠孫師端亦為庠生  
可嘉志以風世

氏南梁里人崔奎光妻武生員崔祺之母  
育生員崔翔鳳祖母也光早即世遺氏孀居時  
荒艱苦備歷今壽八十五歲人稱為女中  
矣

柳 氏武池村人康士員泰學蘇妻也相從八  
載蘇病身故氏年三十有三守節撫幼寡居四

十五年淡薄自其烈共栢舟

王氏馬册村明榜恩貢戴炳星母也夫故時子方二歲堅貞自守撫子成立孀居三十餘年本府吳公給匾表

鄧氏唐店里生員李春妍妻二十八歲夫亡撫子世奇紡績伴讀和熊授書苦節六十餘年冰操可風

李氏剪桐里生員常克家妻夫故氏年二十六歲並無子息屢欲自盡翁姑及堂叔常規為苦守終身冰玉之操見聞嘉嘆

楊氏東王村監生常鴻洙繼妻未及三載夫故子女俱無楊氏矢志守節崇禎五年大亂氏逃遁寇以死自誓罵不絕口賊怒腰斬之旁賊憐其節瘞之而去

安氏南常村焦繼夔妻年二十一歲夫亡無子誓殉夫死舅姑勸勉立姪光綸為嗣撫育入泮孀居六十餘年松筠之操鄉里咸服

薛氏賀水村府庠衛弘祚妻夫亡氏年二十二

歲矢志守節金石不改至于養生送死以盡孝  
課子訓孫以成家尤裙釵之不多見者閭里咸  
有女中丈夫之稱生員衛觀其子也

鮮氏澮史村馮嘉遇妻二十歲而夫亡遺子文  
顯年方二歲苦節自守訓子入泮壽六十八而終  
李氏吳柴村太僕公呂維寧繼妻公亡氏年十  
九痛哭不食覓自盡者數次撫育遺孤兆龍成  
立皆氏九教之功也貞賢苦節鄉黨共推

陳氏吳柴呂國俊妻夫亡氏年十七歲柏舟為  
誓荼苦自甘孀居五十七年

吳乘卷之十一

獻徵部五

隱逸志

論曰侯生以俠隱者也河上翁以術隱者也明  
杜駿以學隱者也余因論侯生之事方其與公  
子聽轡而過屠門入朱亥之室以彼豈不知公子  
能下士而姑試之哉欲公子知有亥耳公子不  
問侯生亦不言及事迫而勢不得不用朱亥侯  
生乃言有吾客在則朱亥者乃侯嬴之客非信

陵之客也侯生以死激之所以送朱亥非以送  
信陵也此千古未破之公案也於乎惟大俠乃  
能大隱夷門監者豈可與丘壑枯槁之士同乎  
哉

周侯羸晉侯縉之後也故以侯為姓史記曰魏  
有隱士曰侯羸年七十家貧為大梁夷門監者  
信陵公子聞之往請欲厚遺之不肖受曰臣脩  
身潔行數十年終不以監門困改而受公子謝  
公子於是乃置酒大會賓客坐次公子從

虛左自迎夷門侯生攝弊衣冠直上載公  
子上坐不讓欲以觀公子公子執轡愈恭侯生  
又謂公子曰臣有客在市屠中願枉車騎過之  
公子引車入市侯生下見其客朱亥睥睨故又  
立與其客語微察公子顏色愈和當是時  
魏將相宗室賓客蒲堂待公子舉酒市人皆觀  
公子執轡從騎皆竊罵侯生侯生視公子色終  
不變乃謝客就車至家公子引侯生坐上坐徧  
贊賓客賓客皆驚酒酣公子起為壽侯生前侯

生因謂公子曰今日羸之為公子亦足矣羸乃  
夷門抱關者也而公子親在車騎自迎羸于衆  
人廣坐之中不宜有所過今公子故過之然羸  
歆就公子之名故立公子車騎市中過客以  
觀公子公子愈恭市人皆以羸為小人而以公  
子為長者能下士也於是罷酒侯生遂為上客  
侯生又謂公子曰臣所過屠者朱亥此子賢者  
世莫能知故隱屠間耳公子往數請之朱亥故  
不復謝公子怪之魏安釐王二十一年秦王已

破趙長平軍又進兵圍邯鄲公子姊為趙平原  
君夫人數遺魏王及公子書請救於魏魏王使  
將軍晉鄙將十萬衆救趙秦王使使者謂魏王  
曰吾攻趙旦暮且下而諸侯敢救者已後趙必  
移兵先擊之魏王恐使入止晉鄙軍壁鄴名  
為救趙陰持兩端以觀望平原君使者冠蓋相  
屬於魏讓魏公子公子患之數請魏王魏王畏  
秦終不聽公子公子自度終不能得之于王計  
不獨生而令趙亡乃請賓客約車騎百餘乘欲



以客往赴秦軍與趙俱死行過夷門見侯生具  
告所以欲死秦軍狀辭決而行侯生曰公子好  
勉之矣老臣不能從公子行數里心不快曰吾  
所以待侯生者備矣天下莫不聞今吾且死而  
侯生曾無一言送我我豈有所失哉復引車還  
問侯生侯生笑曰臣固知公子之還也公子喜  
士名聞天下今有亂無他端而欲赴秦軍譬若  
以肉投餒虎何功之有哉尚安事客公子再拜  
固問侯生乃屏人間語曰嬴聞晉鄙之兵符當

在王卧内而如姬竊幸出入王卧内力能竊  
嬴聞如姬父爲人所殺欲求報其父仇美能得  
公子使客斬其仇頭進如姬如姬之欲爲公子  
死無所辭顧未有路耳公子誠一開口請如姬  
如姬必許諾則得虎符奪晉鄙軍北救趙而西  
却秦此五霸之功也公子從其計請如姬如姬  
果盜晉鄙兵符與公子公子行侯生曰將在外  
主令有所不受以便國家公子即合符而晉鄙  
不受公子兵而復請之事必危矣臣客屠者朱

亥可與俱此人力士晉郇聽大善不聽可使擊  
之于是公子請朱亥朱亥笑曰臣乃市井鼓刀  
屠者而公子親數存之所以不報謝者以為小  
禮無所用今公子有意此乃臣效命之秋也遂  
與公子俱公子過謝侯生侯生曰臣雖不能授  
請數公子行日以至晉郇軍之日北向自剄以  
送公子公子遂行至北橋魏王令代晉郇晉郇  
果合符疑之欲無聽朱亥袖四十斤鐵椎椎殺  
晉郇公子遂將晉郇兵得選兵八萬進兵擊秦

軍秦軍解去遂救邯鄲秦趙王及平原君自  
迎公子于界公子至軍侯生果北鄉自剄以  
漢河上夫人不知何國人明老子之術自匿姓  
名居河之湄故世號曰河上夫人傳業于安期  
生為道家之宗著老子章句後以傳漢文帝  
明杜駿者進士芳之孫也幼業儒從河津薛文  
清公講受太極老而彌篤弘治間督學使王鴻  
儒延請問體用一原顯微無間之音以隱居稱  
之

翼乘卷之十一

獻徵部六

僑寓志

論曰余觀諸君子惟續鴈門以官守至餘皆以  
避世至者也天地二閉賢人隱輕去其鄉而長子  
孫不及顧先人墳墓甚者狎狂行勾藁死而不  
悔悲哉可以觀世公矣

唐李餘福京兆人參政昭德之孫為唐監察  
御史適丁唐末致仕閑居昭宗乾寧四年有相

者過門曰君胡不延地東遷因出示一瓢曰君  
行曳其後瓢破處夾城下居東北一里許立墳  
可延後嗣餘福受瓢禮謝遂挈家東行至晉地  
越陵山東紫胡口瓢破因詢其地父老云東南  
曰翼城唐叔始封之都也西北曰壽城鄭太子  
分封之域也餘福驚喜遂卜地焉其後元弼明  
經中選知曲沃縣事

楊宗鴈門人唐昭宗天佑中為大司空以唐末  
兵起遂卜地於翼石鄭庄其後子孫楊璘輩累

### 代顯貴

續贊鴈門人唐僖宗中以勞調州倅遂家焉  
後續崇為元忠武校尉子世安總管天下軍事  
續是其裔孫也

元季炳奎山東堂邑人元至正戊子進士為翰  
林國史編修元末避兵於翼元亡遂家焉洪武  
三年縣丞薛大昉延之國中授弟子室以傳其  
學

張從諫浙江寧波人元學士元亡遂遠遁伴狂

乞於翼市後以詩贈學諭學諭憐其寒令諸生  
遺之以布從諫曰何相輕如此古之却衣而斃  
者何人哉遂索詩反其布卒葬漏澤園噫如  
老臣危素者不當愧死耶和州之貶與漏澤  
之廢孰為賢也

翼乘卷之十二

雜紀部一

丘隴志

論曰丹朱之不肖僅不肖於聖人耳不肖於聖  
人則聖人以下皆肖之矣其封丹陵也國書野  
牒不聞載有不法事不然何以堂釜到今無恙  
也夫晉厲公不免一乘車葬之東門之外而劉  
處士以孝行感異徵至使天子旌其閭而賢者  
祭其墓信乎生王之頭不如死士之隴也志丘

隴

唐侯丹朱墓在縣西北史村俗呼金井

唐叔虞墓在縣西北孝義村跽足三塚俗呼官塚意當時有附葬者御史李鑑有詩云虞叔當時葬有丘馮軒回首憶成周絕隣世變浮雲盡無邨年驚逝水流歌鳳已曾甘遠引泣麟亦不愛周遊孤懷落日無人會野草蕭蕭又晚秋


晉厲公墓在縣東南故城村左傳成公十七年晉厲公欲去群大夫而立其左右既殺三卻公

遊匠驪氏樂書中行偃執公明年正月庚申二子使程滑弑公以車一乘葬於翼東門之外即此地也

鄭太子墓在縣西雲唐村唐范陽盧照鄰碑銘云若夫蒼精授邑載物西鄰之際赤烏告祥方崇北面之尊海內奔波三分與二分又魏襄中同會七百與八百相符故能安地軸之傾輪補乾絃之落黍如砥平道諸侯遵卜洛之郊似石磐基宗子紹維城之固大矣哉周之有天下也

年將慶遠葉帶枝繁鄭國桓公宣王母弟水雙  
河濟洩雲雨以開封臯之城平連古今而錫類  
犬牙晉楚鼎足齊秦時遇閻蛇之餘乍進牽羊  
之弊雖地承負秦國祚彌而無窮天錫香蘭家  
風邵為逾遠太子壽者康公之子桓公之二十  
代孫也聰明仁智暉映當時涯涘清深指覽州  
而激量珪璋特達與龍輅而齊光因以運逢陽  
城敗我鄭次辛亥之歲崩山湯岸餒銳氣於韓  
兵降志身欽盟符於晉血邑封

察今之壽城斯其地也享年七十八薨于晉葬  
於天陵南靈原超忽永深埋玉之悲荒隴萋其  
誰識生金之字玉京觀道士鄭大量家長鄭君  
則合宗並太子之後勝業孤揚清暉競遠逍遙  
林外放曠烟霞凝皓素於黃庭養神氣於玄宇  
以為霓旌揚漢猶尋朽骨之靈鶴駕停空尚謁  
先人之墓於是芟荒薙蔓徙植延陰豐碑下鹿  
蘆高墳疏馬鬣得青烏之舊地臨絳邑之新田  
於時大唐總章元年歲次戊辰五月甲申之二



P4



日也爾其表裏山河極目原野九京以送其往  
二水以流其惡 岩霜雪邀處子以同嬉奮岳  
木冠侶群僊而共遠窺晉臣於泉路依希夏日  
之光思漢帝于雲衢髮鬢秋風之詠雖復相望  
絕代固可氣類同年豈使素烈景風清猷澹味  
金石之美堙滅而無聞乎故式紹前範傳之永  
代將日月以居諸邈宇宙而長久詞曰周封懿  
族鄭國開疆始連高華終帝榮芒東西橋徙人  
物絳香蕭條河曲隱軫滎陽戎馬生郊兵車亂

耆舊志

吉侍郎墓失名在北火村今呼栢墓  
楊侍郎守則墓在北門外東嶽廟後  
達魯花赤脫脫墓在縣西南常柵村北大定時  
人今呼皇姑姑墳石人馬俱存  
總管郝溫墓在縣西陵下村西  
明朝郎中高翀墓在上高村南  
孝子劉元真墓在西下平村西北崗上  
通政王錫墓在縣東辛庄東坡上

布政使王泰墓在竹紋村北

知府錢士聰墓在西門外

參議劉志墓在浮園村西

編脩續旻墓在合雲村西北

郎中楊汝江墓在北 神廟後

知府史官墓在浮園村北

副使燕好爵墓在南衛村北

副使劉應聘墓在史村村北

御史史學遷墓在鳳架坡村

太僕卿呂維寧墓在吳柴村

副使丁流芳墓在澗下村

誥贈大理寺少卿上官恩光墓在澗清村西陵上

誥贈大理寺少卿上官薦墓在城南村正北陵上

懷遠將軍何斯盛墓在東河下戰場廟後高二

丈圍五十步邑人上官鉉為之撰記

誥贈參政王遇春墓在城南村正北陵上

誥贈參政王親臣墓在城南村正北陵上

翼乘卷之十二

雜紀部二

鑒戒志

論曰古人為尊者諱為親者諱為賢者諱廼賊君亂國事變之大者何諱之有故特書之如必曰志以張文獻非以明奸宄則孔子何以作魯春秋乎哉

晉潘父晉大臣弒昭侯迎曲沃桓叔晉人發兵攻桓叔共立孝侯誅潘父

匠驪氏晉厲公嬖大夫居翼晉人弑厲公於其家

隋宋金剛皇大二年冬為定陽可汗劉武周攻陷滄州據之唐遣秦王世民擊破之金剛走死唐鄭注本姓魚胃為鄭故號魚鄭家世微賤以方技遊江湖至襄陽依節度使李愬為愬煮黃金餌之寢親遇署衙推從至徐州稍參處軍政注多藝詭譎陰狡探人度隱輒中所欲為愬籌事未嘗不用挾邪市權舉軍患之在軍守澄

白愬愬曰然彼奇士也守澄入總樞密與俱至京師厚加贍卹日夜為守澄計議縉紳側目御史中丞宇文弼劾奏乃上道過奉天輒還御史復言注奸狀請付有司治罪始王涯用注力再輔政又憚守澄遏其奏更擢通王府司馬右神策判官士議謹駭劉從諫惡其人因斥去之即表副昭義節度使不旬月文宗暴眩守澄復薦注即日召入對浴堂門賜賚至渥是夜華出東方長三丈芒耀怒急俄進大僕卿兼御史大夫

注資貪吝既藉權寵專鬻官射利貨積鉅萬不知止起第善和里通永巷飛廡複壁聚京師四方鎮將吏以煽聲勢間入神策與守澄語必終日或夜艾乃罷好服鹿裘以隱淪自處文宗以師友待之李訓既附注進於是兩人權震天下矣尋擢工部尚書翰林侍講學士時訓已在禁中日議論帝前相倡和謀鉏剪中官自謂功在畧刻帝惑之乘是進退士大夫撓亂朝法賢不肖淆亂始李愬病痿注治之有狀守澄中其術

故中人昏昵愛俄遷檢校尚書左僕射貳卿陞右節度使詔月入奏事是日度支京兆符供帳入辭帝賜通天犀帶出都門將之鎮旗竿折注惡之先是守澄死以十一月葬漣水注奏護喪欲誅諸宦者訓畏注專其功先舉之事敗注遂為張仲清斬之梟其首於光宅坊三日瘞之群臣皆賀乃夷其家籍其貲得絹萬疋他物稱是山東揚虎正德六年流賊等作亂虎卒支黨攻城不能克也聚北關燒數家而去

白蓮妖人周朝董奭等嘉靖十二年八月謀為  
亂夜率其黨數百人燒毀縣署時天曉就擒盡  
熾之初朝等自稱彌勒佛以幻術煽惑愚民馴  
致於亂

嘉靖十八年六月十八日覆釜山下鄉民賈文  
進與衆鋤禾避雨介之推廟中須臾雷電交作  
文進為龍所擊雨後於潦水池邊得其屍有爪  
痕數孔邑學生史詮路行適見之問其里人曰  
文進素不孝則不孝如文進者可不懼哉

安定國等邑東山邪教之餘黨也先是胡季文  
西來倡邪說者號為哈哈教主盤據東山挖塚  
聚煽惑愚民至順治元年脅從日衆邑令趙昉  
請兵攻勦擒獲無算後是國烏合餘黨數千嘯  
聚東山擄掠鄉村後雖就撫怙惡弗悛至順治  
十一年邑令胡獻瑞密計擒拿仍率壯士史光  
榮張義朱國祚衛王印齊兵至天胤柳在陸續  
聖和等有慶等征騎四出分路截拿擒獲裴四  
安白來崔承鳳任廷芳等二十餘人

一境始平

集乘卷之十二

雜紀部三

僊梵志

僊之與釋懸情逸致均飄飄乎方之外矣其所  
以異吾無從而知之間嘗遠覽列傳如飛錫演  
乘天花亂墜點鉄為金叱石成羊諸軼事既有  
其說當亦有其人有其事也僊釋翼不多概見  
僅有張紫陽辯大師事風塵攘攘之中取彼懸  
竅滌我俗况昔人云月在上方諸品淨心持羊

攝萬緣空揮塵之餘神情政復如是  
為寺者十五

太平興國寺在城西門外高阜唐名慶國寺宋  
太宗時勅賜額曰太平興國今遇元旦冬至及  
萬壽聖節習儀于此舊有十二院曰天王曰北  
羅漢曰西羅漢曰南羅漢曰華嚴曰經藏曰上  
生曰觀音曰文殊曰慈氏曰大雄殿今所存者  
惟大雄與華嚴經藏數處耳餘俱廢弘治九年  
重修大雄殿邑人王泰記畧云太平興國在縣

城西門外縣志以為創于唐貞元間寺後基  
碑有咸通年號為唐寺無疑寺前有毀浮圖塔  
下斷碑文字已不可讀惟其首云大宋新脩舍  
利塔碑數字尚可見而今寺名乃宋所改但莫  
考其初為何名耳是後廢脩不一弘治九年僧  
會守珍寺僧守璉謀以寺之佛殿廊室及墻垣  
自元朝至正乙酉脩飭迄今歲久不修將日入  
于壞乃白于縣侯金城馬璉允之珍主其事璉  
與徒宗錦任其勞跣足匍匐募於邑人富者施



貧貧者効力方始事竣卒錦獨任之於是揀摘  
之朽腐者瓦甃之破壞者赤白之漫漶不鮮者  
金碧之利落者悉皆治之始事于弘治九年春  
二月竣事于正德十二年冬十一月用工費總  
若干工既訖珍請為記余謂我皇明定治以來  
一切梵宮非故有賜額號叢林為國家祝釐者  
悉令歸併崇正斥邪遠軼前代此寺在諸寺為  
最古且大地皆并入之每歲時稅延聖壽寔於  
是乎在然則二三僧之脩之也固且是侯之先

之也非過而予之記之也亦奚辭

金仙寺舊在東門外為澮水所浸元延祐間徙  
同穎坊有元翰林學士承旨趙孟頫撰書裕公  
和尚道行碑碑移后土廟裕公弘辯大師姓郝  
氏幼敏慧日記三千言講說法要人服其精詣  
興龍寺在藥池山曲舊名羅漢洞元至治元年  
建大司空沁水李翰有詩云一徑碧溪過禪關  
隱翠蘿雲深松影密僧靜鳥聲多綠樹分青藹  
晴峯聳碧峩盤桓歸去晚撫景漫吟哦

香雲寺在南梁村西唐太和三年建中多古栢  
夜半作風雨聲

聖壽寺在符柵村西南

壽聖寺在下交村西宋治平四年重脩

雲隱寺在楊窰村東北元至正三年重脩

法雲寺在南衛里唐太和三年建

天竺寺在唐城村西宋元祐七年重脩

龍泉寺在馬柵村東元至元三十一年重脩

龍興寺在陵下村西宋靖康二年重脩

石相寺在堡子村東元至順元年重脩

佛岩寺在澮史西元至正二十六年重脩

興福寺在鄭庄村東元延祐二年建

千佛窟佛像甚衆見山川志

為院者十

彌陀院在澗下村西元大德八年建寺有黃梅

又名梅花寺中書舍人薛瑾御史喻時皆有詩

薛云彌陀寺裏臘梅開前代何人着意裁  
折取

一枝歸邑去明朝報得好春來  
喻云歲晏僧居

冷山空梅色嬌飛霜誰獨抗落葉爾孤標風帶  
黃金縷香分白玉條終當為傳說不可負商朝  
十方院在城外西北隅高阜上舊立八臘廟於  
此今復為院

延慶院在入望村金大定三年重脩

惠濟院在南史村金大定四年建嘉靖二十六年重建

興國院在北史村南金天會十二年建

慈氏院在什級村元中統三年重建

天覺院在天馬村南貞觀二年建

法輪院在中衛村東金天德二年增脩

淨土院在辛安村南元延祐三年建

興福院在鄭庄村東元延祐二年建

為觀者十二

翔清觀在南梁村東宋元豐四年建

順貞觀在丁村東北元至元元年重脩

長春觀在南史村南元道人張志和建

乾元觀在李順村東元大德八年重脩

樓雲觀在下流村東元延祐元年建  
棲貞觀在東河下北崖澮水上元初丁公講師  
建嘉靖二十四年為澮水所浸改遷北原元皇  
甫琰有詩不載

安靜觀一在覆續村元大德八年重修

安靜觀一在四望里元大德三年重修

清和觀在西閭村元道士張志和建

仙洞觀在風曲壇南漢下道元元真二年重修

懸泉觀在四望里元大德三年重修

### 為宮者二

慶唐宮在石橋村南唐開元十四年建

紫陽宮在唐城坊宋紫陽真人張伯端脩煉處  
列仙傳云張伯端天台人少好學晚傳混元之  
道而未備孜孜訪問遍歷四方宋神宗熙寧二  
年遊蜀遇劉海蟾授金液還丹火候之語乃改  
名用成字平叔號紫陽出神英宗治平中隨龍  
圖陸公寓桂林後轉徙秦隴久之訪扶風馬默  
處厚於河東乃以所著悟真篇授處厚曰平生

所學盡在是矣願公流布此書當有因書而會  
意者元豐五年夏跏坐而化住世九十九歲弟  
子用火燒化得舍利千百如茨實色皆紺碧識  
者謂曰此道書所謂舍利耀金姿也後七年劉  
奉真遇紫陽於玉屋山自詩一紙而去紫陽嘗  
自謂已與黃龜中維揚于先生三人皆紫微星  
號九皇真人因誤校勘劫運之籍遂謫人間今  
垣光耀可見者只六星已  
為庵者四

碧雲庵在古畧村北馬跑泉東元一人馮氏建  
準提庵一在縣治後康熙四年邑明經王廷讓  
輸財督建一在東河下一在北關東坡下  
大悲寺在上白馬村萬曆間僧人悟繼抵京募  
化藏經五千四十八卷後坐化成功  
永寧院在城西澗清頭橋上康熙二年僧人圓  
永偕徒明月苦募創建規模雄壯為邑大觀

翼乘

藝文志

先儒有言士先器識而後文藝區區以文章表見非古也然文以世道六經而下如左氏列傳班馬史裁程朱理學匪大文之奕奕前何以垂後何以法載考吾輩蟋蟀諸篇廢于風詩而唐之盧宋之歐與文班班大家至于賢人君子名流韻士或敷陳治道宣揚經術或登高賦詩遇

物能名咸有以禪

王者觀文成化之意倘漫任其散佚使黼黻之

章名山之業掩抑非傳亦曩者叔向之所羞也

已

文公八晉國語見星野志

公孫孺谷叔向左傳見星野志

介子推宋學士張商英詩見山川覆釜山下

沙泉邑人王泰記見山川志

欽股泉雙槐老人詩見山川志

武子庄左傳見古蹟

熒庭城元絳州守宋克篤詩見古蹟

潞公軒宋宣和間李元儒記金學士鄭輝詩

元判官王暉詩元學士郭西塾詩元人貞

庵和詩元廉訪樊玉立詩明僉事鄭貞詩

明御史朱紳詩明顧福詩明僉事許銳詩

明少參吳廷相詩俱潞公軒見古蹟志

東園宋鄉貢進士已人丁彥師記見古蹟志

阜民廳宋邑人丁彥師記見古蹟志

瞻遠亭 明憲使郭恒記見古蹟志

舊文峯 明縣令孫琰記見墉壑志

縣治 明學訓靳柱記見區署志

院署 明御史蘓祐詩見區署志

南倉 明邑人王泰記見區署志

社倉 明邑人王泰記見區署志

鍾樓 明學諭張九叙記見區署志

縣令張懷器去思碑 唐盧照鄰撰見循牧志

縣令陳子履之任序 宋歐陽修撰見循牧志

龍門山寶應寺 普照法師詩

循牧志

呈致政通議詩 宋縣令文彥博撰見循牧志

送秘書劉監歸嵩詩 宋縣令文彥博撰見循牧志

文廟 宋天聖間縣令文彥博記 明脩撰倫文

記見學宮志

城隍廟 明邑人王泰記見群祀志

唐叔虞廟 宋太谷令張伯玉詩 宋學士呂惠

鄉詩見群祀志



漢文帝廟 明邑人錢士聰記見群祀志

喬澤廟 宋政和間令田灝記 明御史喻時詩

見群祀志

穆侯名子 見耆舊志

樂成 國語見耆舊志

楊宜墓表 元邑人段天章撰見耆舊志

侯羸 史記見隱逸志

唐叔虞 詩明御史李鑑撰見丘壠志

鄭太子銘 唐盧照鄰撰見丘壠

### 文志補

#### 岩風

在堂歲聿其莫今我不樂日月其除無已

以職思其居好樂無荒良士瞿瞿 蟋蟀在

歲聿其逝今我不樂日月其邁無已大康職

心其外好樂無荒良士蹶蹶 蟋蟀在堂後車

其休今我不樂日月其惱無已大康職思其憂

好樂無荒良士休休

桐葉封弟辯

唐柳州刺史柳宗元

古之傳者有言成王以桐葉與少弟戲曰以封汝周公入賀王曰戲也周公曰天子不可戲乃封小弱弟於唐吾意不然王之弟當封耶周公宜以時言於王不待其戲而賀以成之也不當封耶周公乃成其不中之戲以地以人與小弱弟者為之主其得為聖乎且周公以王之言不可苟焉而已必從而成之乎

葉戲婦寺亦將舉而從之乎

德在行

之何若設未得其當雖十易之不為病要於其當不可使易也而況以其戲若戲而必行之是周公教王遂過也吾意周公輔成王宜以道從容優樂要歸之大中而已必不逢其失而為之辭又不當束縛之馳戲之若牛馬然急則敗矣且家人父子尚不能以此自克况號為君臣者耶是直小丈夫黷黷者之事非周公所宜用故不可信或曰封唐叔史佚成之

大元晉寧路翼城縣金仙寺住持弘辯興教大  
師裕公和尚道行碑 翰林學士承旨榮祿大  
夫知制誥兼脩國史趙孟頫撰並書篆  
佛以大慈悲隨機說法為世舟航所以付囑其  
徒者攝為五分曰素坦纜則阿難受持曰毗奈  
耶則鄔波離受持曰阿毗達磨則迦多演那受持  
所謂經律論也曰般若曰陀羅尼則付之文  
殊普賢二大士其教雖殊其覺悟群迷則一而  
已佛滅度後二千餘歲有脩其

黃浩

經律論戒蔚然為四眾所宗

山之稷山

僧姓郝氏幼敏慧肄講肆日記三千言歲輒於  
成經決策于衆經論頓響于准識因明年二十  
衆推為座元講說法要人服其精詣出世住壽  
聖寺脩千佛洞佛閣殿堂大開講席聽衆逾百  
檀施雲興次住華嚴院且營且講如住壽聖時  
次住十方仁壽寺肇建夏安居講堂安衆百五  
十又建冬安居靜講堂安衆五百重脩佛閣法  
堂僧堂視住壽聖華嚴日益大以肆于是移住

金仙寺寺大而廢久住持者難其人師立志弘毅百廢具舉脩大閣造彌勒大像高百尺廣三之一飾以黃金置大藏經及唯識鈔疏四十部又脩法堂僧廊香積龕楹戶牖金碧輝映為晉偉觀寺東臨滄師慮驚濤衝擊龍石為岸高丈又尋袤八十步住金仙三十餘年終師之世講下常不減百衆最後住勝因寺勅建法堂廊廡三十餘間凡常住所宜有者無不悉備師前後受四衆請更五住持一日必不輟四

法檀施金粟幣帛一委常住

積而已

無私焉以其羸餘施十方僧又約其同倫為上生會精脩密行誓生兜術示寂七日面如生時其住持勝因也陝州聞喜各建大會請師為四衆受戒阿闍黎四方請疏常以百計住金仙日值

世祖皇帝設資戎大會師于大內說法默契聖心賜以袈裟住壽聖日感聖僧化供帑廩常溢是則教中所謂志行精專有感斯應者矣師

生九歲從顯公和尚落髮出家又十有一年而  
受具足戒又九年而得法于雲壽和尚又二年  
領衆住持住持四十又一年當大德十一年十  
月二十九日遷化于金山寺越七日塔葬于寺  
後壽七十又二臘五十又二嗣其法者七十餘  
人曰才曰頊為衆上首並受璽書名播諸方滅  
度後十又一年其徒智貞狀其師之行走京師  
請紀師道行以傳不朽余謂諸佛妙嚴秘密剎  
海等一義味支分派別如可定  
無以證

經非律無以顯教究其指歸

師能融

通二藏弘佛法于一方而始終焉則其為四衆  
所宗宜也其往生兜術陀天亦宜也其嗣法上  
足續燈竟爽亦宜也乃為銘曰

佛以妙法 大啓群蒙 空有互彰 理事雙

融 皇元肇興 大教是宗 裕公之生 適

際其隆 聰慧夙稟 博洽強記 日經律論

等一義味 利生接物 像教攸寄 受法布

金 雲蒸霞翳 層構地涌 金像山崑 天

與其謀 神獻其功 微言玄論 滂沛心育  
道契聖心 大衣弘賁 慈氏攸歸 佛光逾  
燄 惟晉之鄙 惟澮之稟 表是堅珉 靈  
室茲闕

延祐七年歲次庚申小春日住持僧智息智真  
智信文懃等

脩文廟記

縣令胡獻璫撰

聞之蘓氏曰有學而不論政不取士猶無學也  
余甫齒憶先大父以高唐

子聚徒

一以聖賢言行是則是訓時分

列明經者

三與賢書者一嘗呼諸庭而誡曰近世為治惟  
從事於刑名獄訟徵斂期會而以勸率儒學非  
簿書所切視為不急務甚失敦本置治之要汝  
輩出膺民社當以崇奉

聖廟宣教作人為第一事余始授章句從群見  
戲逐中聞之亦深以為然而默相領會先儒謂  
人心各有仲尼真不誣也今  
上御極壬辰侍博一第筮仕茲土展謁

完聖見廟貌歌頌而廡破壞明倫敬一官師廳  
舍併周繚重垣皆有無幾半剝落不堪憮然動  
念者久之夫翼為三晉鉅邑名宦輩出時賢疊  
至而學宮若是先大父之言誠洵而有徵歎喟  
所以新之然僅塗丹雘加埏埴旋脩旋墮雖新  
弗永無益也必易柱礎重蓋造學中所宜有者  
咸剔蠹整齊方為永久之畜又恐未施子惠遽  
爾勞傷似屬不情乃就鄉縉紳先生而議焉幸  
各有同心輸財恐後始知翼峯

文明直

朴而好義向特無如事者故

耳唯

工庀材卜吉經始越歲余而宮墻以內無不壯  
麗堅新多士意氣正倍適午科大比檄至隨拔  
弟子員之尤者若干人課業其中朝乾夕厲立  
社登瀛互相鼓舞秋圖獲雋則有張子鳳起陳  
子宸銘袁子舜蔭陳子經議燕子思隆張子麟  
化分余房而副隨卽恩拔則有宋子友濂而張  
子鳳起又聯雋南宮隨令強邑僉曰  
聖廟聿新乃數十年未有之舉人文蔚起亦數

十年僅見之盛為余倡始作率功余曰不然國  
家興學建廟不持尊聖安靈原以育德儲材使  
士子藏脩游息于內仰瞻聖像俯瞻明倫飭躬  
砥行入則孝子悌弟出則忠臣良佐方為不負  
此舉若徒炫綵摵華逢年為實固非國家立學  
養士之意亦豈余倡始更新之懷哉雖然教子  
適售于飭學鼓厲之後異日有地方責必不以  
崇學勸率為不急務而泄泄從事其于敦本畜  
治正未有艾此皆余之所樂

有舉始

未襄事姓名當必另壽貞珉

繫及

順治拾肆年孟夏之吉

新脩先師孔子廟碑 邑人進士上官鉉撰  
吾嘗觀孔子刪詩而泮水闕宮之章載在魯頌  
乃知宗廟以事其祖宗學校以崇其道德兩者  
蓋有國者所並重云是以奚斯董後史克揚休  
而僖公之賢傳焉至於春秋病民則譏泮宮之  
作不著於經蓋為其所當為亦大異乎鹿臺鄗  
館之築者矣漢興以來學宮之設專祀



孔子翼學昔在南城外澮水之北宋天聖間潞公文彥博虞其澮河而多水患改建城西門內即爲今地中間踵事增脩未可殫述

今上御極七年庚寅七月余巡方湖南定省過里謁見宮墻之間風雨飄搖先君子圖所以光大而更新之會邑大夫胡侯洎翼斯文已任一時縉紳諸君在庠諸友咸有同志爲之樂輸而恐後焉廣文陳君相助爲理經始於癸巳六月適乙未十月而告成矣工既訖

九余爲記

余不敏弗克辭稽古王者建國

學爲先

庠序既建而人心風俗由之以美此虞夏商周之所以興孔子六經之功爲能與日星並昭也士生先王之後而有學爲聖人之志當讀書懷古既取古人忠孝大節講之有素幸而遭時遇主能以其身繫天下安危謀定宗廟而不自矜其能秉道嫉邪而人不敢議其私如漢之汲黯唐之狄仁傑宋之韓琦司馬光諸君子豐功偉業卓然史冊之中而後世頌其美不輟即當隱

居不仕抱膝長吟道德高於古人而著述傳於  
 來者如漢之郭林宗隋之王通雖未身致太平  
 而教授生徒至使公卿將相之材皆出其門考  
 其人品風節蓋有是尚者矣乃今之儒者苟且  
 功名之塗而匡弼之略不聞跡其所為不過持  
 祿容身而止及其擯斥於時患得患失之情形  
 於顏色則其人之賢不肖何如也抑思朝廷所  
 以重士與士之所自重者將望其為賢人君子  
 而不徒區區公卿大夫之爵

樹立而已更有說者聖人之學

一殊泗之

派惟濂洛閩闡為正後世理學文章分而為二  
 則已過矣左氏開文字之先程子猶曰古者文  
 章載於六經自丘明作傳而文體始壞在漢雖  
 董子正誼明道數語庶幾近之班馬之才難以  
 躋鄒魯之堂韓昌黎奮起德憲振興八代醇孟  
 氏而疵荀揚可謂知道至其他篇轉以孔子墨  
 翟孟子揚雄並稱君子譏焉濂溪生千四百年  
 後上接先聖之傳光風霽月深有得於孔顏樂

處明道伊川師尊孔孟能挾不傳之秘橫溪學  
稱切實西銘一書與周之太極圖易說並重至  
於紫陽受學延平得觀未幾以前氣象性道之  
蘊闡發無餘維時程門龜山定夫朱門季通諸  
子咸聞性教之真厥後明之中葉殫心理道者  
惟薛文清王文成耳陽明良知之學甚為簡易  
爽捷其說多推陸氏河津淵源紫陽多明理少  
嗜慾本乎克復之旨而不敢以自然誤天下是  
以世多師之要而論之聖賢心是  
傳先自不

欺其心始大學誠意中庸思

心怨一

之宗不踰斯旨而已吾翼英賢輩出先代文物  
之盛尚矣邇來科名日起而奮志稽古之士益  
多慎勿以咕嗶為讀書圭組為事業體驗身心  
存理遏欲安在聖道之不可學而至也當茲聖  
域聿新諸君咏芹茹之什爭自濯磨以應朝廷  
菁莪之化而分席先賢之坵詎不快歟噫吾豈  
特為吾翼之士言之而已乎是為記

順治十四年四月孟夏

創建鄉賢祠記

丙戌進士 鑑

文孝公男丙戌舉人上官鉉

癸未進士 鉉

間嘗述稽古史而見古之賢者雖德業聞望隻  
出古今必系其鄉者何誌所自也在昔如武侯  
號王佐才而稱曰南陽諸葛退之起八代表而  
稱曰韓昌黎君實相業巍然而稱之曰司馬凍  
水諸如此類皆以見川靈靈

乃由列鄉

親而長之式我老成焉此  
賢一席也桐封以來遠不具考自後魏及今其  
最著者得二十餘人焉先大人績學力行七十  
餘年歲甲午以輿望所推獲與諸君子伍顧其  
祠宇翬于有明嘉靖之二十有七年迄於今百  
有餘歲矣茅屋數椽颺颺不免議者以為諸君  
子典型所在風流奕世未之有改而棟宇荆榛  
甚非高山景行雅意且先大人束身名教繼往  
開來方躋前誥之庭而俎豆聿新若神觀弗肅

敬共之謂何會邑大夫 胡君等肇造

聖宇將次第及之不肖昆弟因從而經始鳩工

集事匪敢私堂構也諸賢之芳躅存焉於是度

地舊祠之東隅為堂一區樹以落垣增以臺榭

越匝月而落成一時同堂諸賢輪奐輝映明德

維馨萬年盛事一朝釐然不惟妥侑

明神罔所怨恫後之學者生百世之後而有共

為君子之思則諸先生高明廣大之風韻登堂

如晤而懦廉頑起有不聞而唯乎慕爾

桐葉庶幾與古名賢其

上官文孝公傳

分巡隴右道邑人崔允升進

上官文孝公鄉黨私謚也諱薦別號寶吾弱冠

舉茂才以子貴封文林郎山東通御史鄉黨謚

為文孝公云世籍於桐祖諱臣多隱德不顯於

世父諱恩光生平言動不妄而急病讓夷有長

者風明時以仲子加贈大理寺右寺副母王氏

加贈安人兄第三仲陞廷平季宣茂才公其孟

也公生而穎異多聞強記萬曆甲午補弟子員  
下帷攻苦有聲藝林九試未售不肯輟業凡經  
書大旨傳註皆所究詳雖躋大耋未有懈余嘗  
側左右間猶耳誦先正文一字不爽以公之學  
宜其芥視青紫而竟儒服終其身後長君鉉丙  
戌舉孝廉仲君鑑丙戌成進士任版曹叔君鉉  
癸未成進士擢侍御而清標峻望海內皆能言  
之昔王晉公植槐于庭而魏公懿敏公相繼于  
朝不于其身于其後斯言下

今上親政覃恩以子侍御

如子官

封公而學宮之名終不忍言去嘗觀學士數躋  
賢書未免倦志有能皓首華髮視紫衣滿膝下  
而猶守茲韋布至六十一年者乎則公之操可  
知也在昔贈公捐館後二年安人尋即世公衰  
毀踰禮蔬食水飲竟三年不出戶諸父執友敵  
勉終不能奪時以為難事祖妣王氏晨昏罔怠  
後王母棄世公喪祭一如贈公禮固猶是而情  
則過之且贈公見背時仲弟差長季弟五歲女

弟襁褓公服食撫視過于已子婚嫁既訖而季亦賦子衿矣起視世之取悅晨牝而膜外骨肉者未知何以委親心也事諸父克愛敬至從兄弟輩無不分財悉難殷友于諸侄幼孤拊育提誨悉成芝玉即宗族之間貧不能贍者惠恤畢周嘗曰今之五等初皆兄弟也兄弟其初一人之身也若之何而忽諸其天性孝友有如此里中大利大害閔切民生者邑侯多造廬請教不憚劄切陳情務期便民

夾倉

適變而邑無失政者公之力多也恒胸無米炭口絕雌黃犯而不校遇患難必多方救濟而其居室惟以恬淡自守嘗誡諸子曰世無百年入狂作千年計由此觀之仁人也達士也公可謂兼之矣公爲人志氣清明尤卓越不伍即年近八旬不減少年晏寢昧興行不扶乘不扶搯書燈下宴飲中宵蓋誠異人也于順治十一年八月十一日卒年七十八一時聞之者貴賤老幼無不悲哀流涕罷市而往吊者蓋數千人音

溫公薨戶部侍郎趙瞻護喪歸葬還言民哭公甚哀不旁哭其私親非其生前實有不可已者烏能使後之人車過腹痛悲悼而不自禁乎吾桐有翔雲梅林先生均八十翁從不一字誇大獨與公爲孩提交其于公素履知之真言之切咸曰古者生有善行沒有善謚所以勸善戒惡然有出之朝者有德有位如忠定公類有出之野者有德無位如簡貞公之類公之爵未及謚公之德宜有謚攷其行實

居喪盡禮宜謚爲孝今議

公于

鬼神而服輿論其有當乎余觀博物志云賢者著行曰傳潛德升聞則國史書之隱行未曜則野史記之公當世哲人也今日幸得從諸先生後舉公之嘉言懿行筆而書之以傳諸來茲敢以才不逮鄴下面皇皇然謝不敏哉

翔山文峯記

邑人進士上官鉉撰

翼陶唐之畿輔也山川形勝甲於三晉而奇峯捧日望之蒼然而森秀者其翔臯乎山以翔稱



邑以翼名蓋有取鳳翔千仞之義焉歲丁酉邑  
大夫集紳衿輩議建文峯於翔臯之巔噫此盛  
舉也其名則美其義可推也攷諸風鑿有所云  
異地雙峯捧角龍頭者此堪輿家之譚而予不  
以爲然夫天地之間上有日星之昭回下而  
有山水之流峙其天然文章燦著布列者是也  
今天下名山不可殫述不佞足跡之能至者蓋  
寡矣間嘗西遊秦關陟太華之三峯焉而終南  
少華佳氣尚羅襟帶南歷

二峯焉而崎嶇大別

大天

行而覩孟門王屋之險過嵩洛而擬太室少室  
之英抑云宇內之雄觀矣至于吳江之地號稱  
多竒牛首瑯邪九華敬亭其間佳勝騷人韵士  
能言之注者巡行所至不輟風雅樂事於今寒  
山片石猶有散人之墨澤焉豈其峯巒迭翠鬱  
鬱蒼蒼近在封域之中而耳目不及不幾今山  
靈咲我乎乃余之所論者又在彼而不在乎此  
也易曰艮爲山艮之義取乎止山之德主乎靜

知止而定靜應之此可以悟聖學之淵源抑山之  
之尊重載物而長養之功居多仁者敦朴豈弟  
靖恭持重全萬物之心又有同然者故曰仁  
者樂山唯詩有之高山仰止景行行止士君子  
立身行己屹若太山喬岳而光明俊偉之槩使  
天下景而仰之翕然慨慕其宗風下及自好之  
士雖不能至而皆有嚮徃之思將古所謂賢豪  
間者非耶子貢曰他人之賢者丘陵也仲尼曰  
月也日月之聖不可得而及

濯磨奮乎道德之塗則岸

非尋常之

所可及昔者孟子生聖人之後迴揚墨之狂瀾  
障百川而東之而稱仁引義令讀其書者如見  
泰嶽蒼巖氣象即唐之昌黎韓愈振興八代之  
後而德業文望著於當時傳於後世至使學者  
望之如泰山北斗夫非其明徵與吾翼之山莫  
秀于翔臯在昔虞叔始封其下無亦仰止高山  
而澡德被躬及其化民成俗蟋蟀載賡則虞叔  
之賢可知矣厥後文公彥博尹君知童輩立德

立言彬彬其可述也是故翔鸞之秀得之天成  
者至矣今復建峯於其上有似乎君子之垂紳  
正笏而加之以賢冠朝冕煌煌禮樂之度於以  
登清廟而佐明堂庶幾萬邦之具瞻與繼今以  
往斯土之官與此土之人仰瞻東臯勤思往哲  
雅志於賢人君子而孜孜然有上達之意高明  
廣大日進無疆居廟堂之上而澤萬姓處鄉里  
之間而仁三族功歌太常品高月旦則今日崇  
建斯峯之志而不然考或

與之論余竊有所不取是

重脩聖廟記儒學署叢論舉人高平陳廷樞

先朝垂三百載敷教中邦陳常時夏一代教化  
風俗卓越前古尚已厥後聖王之道遠誦法孔  
孟者以詩書為富貴利達之嚆矢膠庠地子於  
刺文運與國運相終始

皇清受命定鼎幽燕金戈鐵馬削平亂略武功  
丕赫文德翔洽卜禘臨雍祭菜鼓篋諸大典  
天子寶躬親焉制下府州縣衛繕脩

至聖先師廟崇儒重道養老興賢一倣古禮  
遺意行之蓋謂孔子之道可治天下也於都  
哉三韓胡公以文章世家應運崛起卯辰  
掇巍科承翼乏人筮任茲土下車蒞泮見學宮  
闕伏蚤作夜思亟謀興建縣治諸務未遑集緝  
紳先生於倫堂進諸士子於堂下諏吉選後庀  
材鳩工一時人情踴躍吏勤其職匠效其能不  
二載而有廟有廡有堂有齋奎星有樓櫺星有  
門先聖前賢德紀邑垂功

右祠有宇庠垣百堵宮

茂矣非但塗蔭茨施丹雘已也揆厥所自先是

邑之上官直指先生按楚歸省曾建此議

先生以王事靡盬不遑啓處志未之逮公製錦  
新猷不謀而合是公於直指先生相與以有成  
也庠前後祠宇百楹基廣費浩公捐俸首倡士  
大夫慕義樂輸有以百金計者有以五十三十  
二十金計者浹旬千金登簿支用不訕是公於  
薦紳先生相與以有成也而學弟子員見公率

作鄉先生敏趨素封之家慷慨出貲雖滿然寒  
峻家徒壁立亦以廩餼繇役錢覓傭助工是公  
於濟濟多士相與以有成也且公天性廉靜生  
平惟知文章為樂事簿書公餘課業講藝對諸  
生終日亶亶不倦時以古之忠孝節義相勉富  
貴利達為誠其造士視古人何多讓云翼庠自  
宋文潞公改建以來約七百有餘歲公舉而重  
新之廟貌血觀人文蔚起嗣後成人有德小子  
有造真儒名世光史冊

敬澤千秋未艾也不且

後先有光

爰隸公屬下飽公之德飲公之醇親炙公之醇  
教無能為公揄揚萬一謹據脩學大不朽事  
墨而為之記則余之責也夫余之責也夫至於  
一時共事察案如分訓魏公士興孫公奕燮少  
且許公應朝石公邦柱縣尉李公天德王公成  
鏞石傳後例得并書

邑節婦傳

邑侯鄭之衡撰

節婦呂氏者田舍翁女田舍翁婦也幼未嘗讀  
文史內別諸書而其幽閒貞靜雖古名淑莫能  
過焉笄適東上衛里人王化仕化仕以力田務  
本起家敦篤孝友抑如雍如也節婦色養舅姑  
敬愛妯娌一如化仕意以故夫婦相得甚歡族里  
莫不稱化仕婦賢素幾化仕卧病不起節婦矢  
不獨生娣姒輩力勸不能得其姑張氏撫節婦  
慰之曰婦誠不忘吾見當為見善事堂上老撫  
膝下孤綿血祀而昌一歎爰

吾兒望哉節婦迺稍稽於

年二十有一其子國寶甫五歲也步履益謹歲  
月時節雖至戚鮮或覩節婦貌既而姑以勸勤  
家政於諸婦中擇可代筦鑰者胥無踰節婦賢  
爰以鹽米錢穀婢僕耕織以逮戚屬往來問饋  
之禮子女婚娶之事槩委之節婦聽其指使節  
婦井井秩秩確有明法且儉于自奉勤以率先  
歷數十年如一日由是家之主伯亞族族之長  
幼卑尊鄉之黃童白叟又莫不嘖嘖稱節婦之

賢且才也至于訓子則不獨以克家為務而以  
立身為先故國寶砥德礪行里閭推為長者諸  
孫林照玉立亦無不敦本自愛咸稱化仕有後  
孰非節婦之懿訓哉按節婦年令八十有八歲  
而歷霜幃雪帳者六十七年易曰苦節不可貞  
若節婦者可謂苦矣而其如銘其至性之過  
人為何如哉邑中侍御公張大人為節婦內戚  
序其事最詳且悉而命余傳之夫為人傳者或  
張先代之顯榮或捃拾

不實也惟為茹荼飲藥之  
實也而無華也使呂氏而生長名門匹耦望族  
若疊山以為之父穆伯以為之夫士行以為之  
子雖有一節之美數端之善人爭附和琬琰形  
之彤管流之奕世矣惟其質既生於蓬樞長僅  
歸于齷齪而截髮斷膚飲水指栢雖子姓成行  
眼覩四代猶不異為田家婦也者此其人不求  
聞譽幾之乎與草木同腐而侍御公特心儀之  
以為可法而可訓也且謂孝子節婦為一邑風

賢且才也至于訓子則不獨以克家為務而以  
立身為先故國寶砥德礪行里閭推為長者諸  
孫林然玉立亦無不敦本自愛咸稱化仕有後  
孰非節婦之懿訓哉按節婦年令八十有八歲  
而歷霜幃雪帳者六十七年易曰苦節不可貞  
若節婦者可謂苦矣而其如銘其至性之過  
人為何如哉邑中侍御公張大人為節婦內戚  
序其事最詳且悉而命余傳之夫為人傳者或  
張先代之顯榮或捃拾

不實也惟為茹荼飲藥之  
實也而無華也使呂氏而生長名門匹耦望族  
若疊山以為之父穆伯以為之夫士行以為之  
子雖有一節之美數端之善人爭附和琬琰形  
之彤管流之奕世矣惟其實既生於蓬樞長僅  
歸于齷齪而截髮斷膚飲水指栢雖子姓成行  
眼覩四代猶不異為田家婦也者此其人不求  
聞譽幾與草木同腐而侍御公特心儀之  
以為可法而可訓也且謂孝子節婦為一邑風



化之表率異日採風使者必將上其事于  
天子以立人倫紀綱之本余下吏謬司一邑風化  
之任因敬撫其事以備翼乘之實錄云



